

Sicht hei vir a sicht dohannen,
doeruechter, an der Mett!
Gruowt a wullt, dir werd et fannen,
a vergiewens sicht dir net!

Wi de Papp nu war begruowen,
gin seng Kanner sech un d'Sichen.
Läit et önnen? läit et uowen?
Dat war se'her dönn ze richen¹.

Mat den Hälen, mat Pioschen
werfen s'alles durchernän,
ma se fannen net e Groschen!
Nömme Buodem, Scholl a Sten!

An du go'wen s'onzefridden,
well hir Arbecht war net liicht:
Huet en aner se virschnidden²?
Hat de Papp se vläicht beriicht?

Ma ee Brudder sot: Nun hu mer
wuohl gedresch dat eidelt Stre'h
durch de le'we, laange Summer,
a verlur aß all eis Me'h.

Nun a Gottes Namen! se'en
looß mer duor dann eise Weeß,
datt dat aner Jahr mer kre'en
eppes dach fir eise Schweeß!

An du se'en s'an de' Stecker:
Go'f jo dat eng Fruucht derno!
An der Fur wi op de Recker
sto'ng als wi e Ridd³ se do.

Ja, an hätt een dra geschiwen
och e Rad vun engem Plo':
Rüicht op wir et stohn dra bliwen.
Denk, do waren d'Kanner fro'h!